

四庫全書

子部

欽定四庫全書

子部

水東日記卷十八

詳校官侍講臣法式善

侍讀臣孫球覆勘

總校官進士臣繆琪

校對官中書臣張曾效

謄錄監生臣張鴻恕

欽定四庫全書

水東日記卷十三

明 葉盛 撰

鄒奕字弘道蘇州人有文行元季嘗守贛國初謫關西
與一時知名士若江右夾谷希顏三衢徐蘭與善錢塘
童權可與天台姚文昌錢塘楊志善山東趙敬主一秦
州劉純宗厚同郡沈繹誠莊陸禧彥吉婁江丁晉仲敏
為倡和友詩文甚多仲敏蓋吾崑人也嘗有寄誠莊詩

曰芝賢先生人中仙儒醫並稱世所艱顏井泉通上池
水孔壇杏接匡廬山焚香鼓琴白晝靜吟詩淹茗青春
閒老人何幸忝知己日日杖藜相往還又和誠莊韻五
首曰關塞同為客王門共曳裾青雲應咫尺白髮竟何
如忽憶吟梁父長懷賦子虛所嗟衰朽質多枉故人書
春來倦行樂春去却尋幽花落隨風舞溪喧帶雨流乾
坤真逆旅身世似懸疣何物令人羨忘機海上鷗閒居
忘俗累行樂喜芳春露滴烏巾濕花迎白紵新清歌移

晚興佳句滌襟塵處處香醪熟誰家味最醇在苒傷春
晚蹉跎惜鬢華客居猶未定社酒不須賒花柳知無恙
雲山畫莫加尋芳徒步好何用早將車長鬚攜尺素邀
客扣塗茨筋力非前日襟懷似昔時酒從花下酌船傍
柳邊維風景還堪賞重遊也未遲彥吉有題山水圖詩
曰誰寫雲林景亦奇却如吳嶺越東溪柴門未啓雞初
唱竹院纔開鶯亂啼藹藹烟籠花樹合溥溥露浥柳稍
低令人萬里鄉心切吟斷東風望欲迷誠莊詩集有送

練哲詩曰萬里還家念倚門東風塞路雪猶存柳條未
放黃金縷竹葉先浮綠蟻樽比及杜鵑啼客邸料應畫
鷁到江村白頭交把忘年舊好附鄉書示姪孫有宣德
中寄太醫判以潛姪曰吾宗阿姪侍金門要竭忠勤報
寵恩白髮至親惟叔嬭青囊傳業有兒孫客邊自吊燈
前影身後誰招石上魂聊寫容儀遙寄汝可能函骨到
丘園獨弘道尤有文名關中以弘道文章誠莊唐律夾
谷希顏篆書為一時兼美云弘道有謝誠莊并杏林小

隱文二首為誠莊題倪瓚畫一律附此洪武壬申夏余
道皋蘭而西鄉有沈誠莊出郊遠迓握袂聯鑣假館投
憇凡所以慰藉余者曲盡其情翌日會諸縉紳譽誠莊
者交口蓋誠莊吳儒醫也讀書明性理工為七言詩新
清俊麗寓居關西二十年矣而學術益精其治疾也如
射者之中的斲輪者之運斤得之心而應之手西州人
咸曰疾而遇夫誠莊莫予毒也已馳驛市車不遠千里
以求治者踵接於庭交游中有一日之雅者率不計直

必與善藥邊城遠徼天使誠莊以術濟人豈非幸歟今年冬同郡陸房吉以書抵張掖告余曰僕近得疾賴誠莊治之而愈旣而闔門皆有疾誠莊一一治之靡不痊可能保全一家其德厚矣僕無以酬其德而誠莊亦未有德色也昔宋清不為市道交與人藥雖不責直後其人或至大官或連數州往往饋送清益厚是清猶規利於異日也今僕在謫籍中年益以衰身益以困無復求伸之日誠莊豈望僕有厚報哉仗義之篤如斯而已矣

先生文以誌之嗟夫醫必窮理必存心不窮理無以參
陰陽不測之運不存心無以體天地生物之心兼斯二
者誠莊奉以周旋而擅名一時者也彼懵焉表裏虛實
而乘時射利者得不類有泚而面有墨乎雖然醫固與
人為市者富而不受直是要名也貧而必取直是不恕
也誠莊其必審於此矣因彥吉之請併書余感念之情
以寄焉洪武廿七年歲在甲戌十二月下澣吳郡鄒奕
序漢書范曄論古方伎之士不汨於物而與造物者遊

故叅陰陽不測之運闔闢動靜之機華陀之徒用是顯
名天下然則凡為醫者必造是理而後有是功而世或
託神其術者亦未能超乎是理之外也若杏林董奉其
不汨於物者乎不汨於物而與物為體彼物其物而我
其我物之賊我者亦多矣由不知物我之同體也不責
人之讐虎徒責虎之讐人豈不悖於理乎是故無私而
物自順無欲而物自化我之同體也不責奉之術用此
道也奉以活人為心不受人直而令種杏是豈居善藥

以逐什一之利者杏林而虎來守之是心之所感召豈
有所謂丹經符籙驅役鬼神之所為乎余同郡沈成章
聰明秀穎自其妙齡讀書工詩有志於世用後遂隱於
醫今居蘭州而北岷河皇貴人有疾必以成章為請嘗
構一丹室題曰杏林小隱客或謂之曰子將以董奉自
期乎成章笑曰吾去家數千里僑於黃白沙草之鄉不
能戚吾心慘吾顏也顧不以顏孟之學施惠於人而業
於是杏若成林吾將春翫其葩夏嚼其實有叩門者以

善藥與之亦足以償平生之志矣吾安知董奉之為誰
耶余在長安聞其言然後知成章可造乎是理者也果
齊乎物我者也雖致於菟之守林亦何難之有念其父
伯新先生年長於余余畏友也歿二十餘年嘉其有令
子若是因書以誌焉洪武丁卯冬至後三日吳郡鄒奕
記落星灘上拾珊瑚淚洒倪寬舊畫圖夜鶴歸遲華表
冷春雲散盡墨池枯九苞文彩俱零落一代風流更有
無君若九原知我在應憐形影塞垣孤

謝員友規者鄞人洪武初以戶役起充浙江憲司吏非其志也告指疾求退得調臨洮府後例充興州衛軍員善為文有鳴窮集又有臨江潘若水者乃王府引禮舍人以言事權翰林待詔與修永樂大典坐事黜為西寧行太僕寺吏亦善詩有退庵集正統初太僕司罷若水卒於長安而解學士大紳永樂中亦嘗謫河州衛吏關中因有吏中三傑之稱解公文翰氣節聞天下人能言之近見若水桃源賦員所作與斯隆瑪序別曰貴荅二

文賦多不錄員之文曰斯隆瑪者西域人也父索諾木
與媪庫春氏私遇於鴻吉哩氏而生斯隆瑪斯隆瑪生而父
滅姓母育之於鴻吉哩氏少生硬不循理法母力變其
氣質主家亦護之謹時其寒暄而溫涼之既久儁永出
流輩人交口譽之予家居時雖數千里外同聞其名洎
遷臨洮比入境館於石井驛驛長廖某請曰此有斯隆
瑪者頗慕聖賢而為其道聞先生優入聖賢之域渴心
願見先生幸嘗試之予聞曰人希聖賢即聖賢之徒矣

命之見時天沍寒鴻吉哩氏抱之附火久乃至坐之兩
楹間凝重不語予亦莫知其中之美惡淳漓也廖乃命
白水執杓起請又俾渭川祝童子導引之尋勃勃若欲
有所言者廖起揖予即之口談源然泉湧出其風味沉
浸醲郁視督郵從事輩皆風斯下者誠企聖賢而有得
者也予甚愛之因詢之所自生乃知其父特飲食之徒
耳况難於明言之者戲撮其母之氏目為庫生從予至
臨洮予所居已樂軒軒未嘗一日無賓賓至輒留留必

設席必召生俾應賓生不在賓即不歡賓或雅愛生生亦不為之盡有忤令者生必往浮之人有速予飲者亦必先召生焉或嘲生曰吾與爾交昔何醲至今淡泊若是耶生曰吾聞人之論交君子若水小人若醴公等欲終小人乎又有嘲生曰爾特糟粕之餘耳生曰公等皓首窮古人之糟粕曾不得濟其粒許何如吾之糟粕有餘味而心醉者耶其辯給皆此類生風流醞藉能助人興予每製文辭揮翰墨必先召生資之起予生則盡出

底蘊與壺公商公輩俱來予歡然與之傾倒然後肆意
命筆類有神助予以是益喜生生或值予有不懌必慙
懃懃藉至屢拒不肯去俟復故乃已從予八年蓋未始
朝夕離也一日生傾倒太甚致予發狂而為人所尤予
則以尤生絕弗與交生踵門謝曰僕厚於先生先生弗
能大受以致尤是則先生之罪僕薄乎云爾顧以尤僕
不亦過乎予無以詰遂弗絕然自是亦知其非益友稍
稍疎之而生來益勤予亦不得不為之竭忠盡歡云至

於承祀事謁大賓必豫飭館人嚴止雖生求見亦不與接也今予當朝京師生遠送予於會寧蓋距臨洮已三百里矣將別白予曰鄉僕求見先生先生不鄙夷之而酷嗜僕至欲同死生若李白之於舒州力士雖一致先生之尤先生類躬自厚而薄責於僕誠知己者已今先生當入中州與聖賢者遊僕豈不願從以廁跡其間念風土各宜設有沽衒之徒冒聖賢之名以欺人先生慎勿與交以耗其神僕之族有阿爾竒者修坎離之術鍊

形斂精能以遠人先生尤勿與交以損其真予應曰諾
因留生復飲盡歡而別是日洪武己巳夏四月二十有
一日也

洪武己巳之秋予隸兵籍都城艮維之姚坊門迺九月
八日與其儕輸作於公晨自龍江之次舁巨木抵門乃
歸則寘擔繹牖下治蔬食食畢仍以日之餘力銷彘肪
乎缸旋以讀書比夜漏下二十刻許罷極而睡夢一神
人赧如其形歛如其聲瞋色盛氣指予謂曰吾寧女讎

也耶何今日毒我之力也予矍然問曰子為誰何毒也
其神曰女終日毒我不識我耶我托形女面屋中嶽下
山林間我口神丹朱也汝顧諉以不識非妄甚歟予俛
默良久徐謂之曰子神而尸予口予其思子是毒乎今
子謂予毒予欲自反而不得也敢問毒子何若口神曰
若欲言若毒也耶汝他日固恒毒我而莫甚今日請為
子數之啓明在地翰音未呼蓐坐而食飯糲蔬麤略弗
下咽子強致吾子之毒我一也出廁徒旅僂然就途或驕

而歌或悲而吁願撼莫合息窒罔紓子之毒我二也衆
其舉任子肩非勝衆呼倡子邪許以磨奄奄綴息叩叩
聯聲子之毒我三也弛擔作肆我謂稍間號眺以慟於
邑而歎奚體之勞而予之煩子之毒我四也往復三舍
繇夕踵昕偃投圭華浙炊是親復飲食予猶昔所云含
此四毒庶夜而訢若之何旣暮而猶予勤也膏臍弗耀
目眇弗舒擁膝據几復書於劬兀兀矻矻伊伊吾吾使
吾屬羅于虎賁正輪之徒舉頌頌焉而搖焞焞焉而歌

爍爍馬而焦吾苟非子讎何子毒吾之饒耶吾見托形於他人之面者食前方丈已餒羶鄉左絲右竹已齶宮商代言敷奏已宣詞章居則漱乳覲則含香液津流潤輔醫生光此固富貴者為然然至托於貧賤者視我猶愈也彼歌則不哭勞則不讀乞丐盃炙亦饜膏馥獨我不幸而為子所毒也子復之曰子之言止是乎吾憇真有毒於子也言苟止是則子之托形於吾乃大幸也而非有毒也吾語子大幸設子不幸托形於便佞之人截

截善論營營忒忒如簧覆邦危機生厲則人將惡子而
目子為利矣設子不幸托形於亂世之人卷智囊括束
辯滕緘下禍之喘上謫之監則人將戒子而謂子為箝
矣設子又不幸而生於深中之人鬼蜮幻詐狙狼狼譎
謀以秘成害乃昭發則人將冀子之滅而併軀之馘矣
其或傷於辯而亂是非悖於詈而拔正倫怙於不順而
斧虎賁是皆若屬之不幸者其毒若此子不聞乎今吾
之處子也食必正茹必清哇不義謝嗟來是自子而入

者無違而子可無麤糲之辭矣衛瀆言頌雅詩禁躁妄
屏支離是自子而出者咸宜而子可無劬書之譏矣羹
味雖不足猶暮鹽而朝蜜有言雖不信猶正理而達辭
用能守子如瓶而善千里之樞機凡此數者皆子之大
幸顧謂余毒子何是非之背馳歟若夫勞而歌其事哭
而宣其悲呼呂相其力吁以洩其思是皆人情之常吾
不虞子之栖栖也於是口神慙縮內顧噤不得語慙謝
而去予亦遂寤則趣趣五鼓而自公召之者在戶矣亟

召墨卿錄其所臆秉擔與緯復趨厥役

襲陽武侯家因鑿池得唐故幽州衙前

缺

使樂安郡

府君孫公墓誌銘石二方一尺二寸四分其蓋石題字不在下方以其上方四角削稜刻螭文取其中一方七寸篆孫公墓銘四大字公諱緒字宗緒五世祖伏伽大理卿大父世元雲麾將軍左驍衛幽州衙門兵馬使檢校太子賓客邊書之次書鄉貢進士高哲不言書撰也此石今在通判黃諫家

水東日記卷十三

欽定四庫全書

水東日記卷十四

明 葉盛 撰

皇祐四年夏五月邕獠劫庫兵稱亂陳船順江絕數郡
郡之守臣狃於承平弛武備輒委符管避賊獨封康二
州將提罷卒數十力戰以死明年春予傳車過二州問
其吏民皆為出涕愀然感之作閔忠詩書於康州三洲
洞石廣南東路轉運使尚書司封員外郎直集賢院武

林元絳題贈光祿少卿康州趙使君師旦使君親門城
譙間二日矢盡軍吏請避使君麾曰士不死敵非壯也
城門既開度必死堅坐廷上賊猝而害之至絕詬詈不
已一子在襁中其母擁樹遯去力屈躓棄三日還視尚
呱號草間聞者異之轉戰譙門日再晡空拳猶自冒戈
及身垂虎口方堅坐命棄鴻毛更疾病協韻柱下杲卿
餘斷節絳間杵臼得遺孤吁嗟天下英豪氣不愧西山
士大夫贈太常少卿封州曹使君覲使君烈考季父皆

以謹言介節有名當世予昔介江西刺舉使君方佐章
模嘗以勁正有守薦於朝賊之至州也使君轉戰數次
殺傷大當已而賊合圍急攻軍吏潛遯力窮被禽使之
拜又誅以偽官皆不屈倉卒蠻輦上水濱使君忠憤獨
忘身平明戈劍摧城闔俄傾衣冠落路塵志士一門能
許國老夫當日亦知人朝廷贈襚哀榮極青骨千年合
有神按方輿勝覽所載前趙師旦一師在封州又悞以
為魏砮作亦為數字幸真蹟石刻尚存二州岩中可考

也予既得石本裝潢之云

王抑庵先生還政歸泰和日有歎落花一首最愛東園
桃李花可堪飄蕩委泥沙人生榮謝皆如此不用臨流
起嘆嗟春雪一首東風萬樹發青條信宿都隨雪色彫
惟有前林松與栢依然蒼翠拂雲霄其亦有所感寓而
作歟

王貞婦清風嶺事昭然在金石燦然在簡冊可徵也夏
憲使言昔有一人以為無是事作一詩非之其詩曰噉

指題詩似可哀斑斑駁駁上青苔當初若有詩中意肯
逐將軍馬上來後其人絕嗣惜乎其人性名逸之矣噫
世有小人好誣善為惡指正為邪讎忠為姦目廉為貪
者視此其亦可以少警哉

東廣人言其地有宋墳無唐墳蓋自宋南渡後衣冠家
多流落至此始變其族事喪塋也相傳嘉定中有厲布
衣者自江右來廣精地理之學名傾一時有經其塋至
今故老猶能言其處廣州林某者宋元富家永樂初中

衰以術者言祖穴向稍偏所致因發地而得石書云布衣厲伯韶為林某墓此千載谷食之地後學淺識不許輕改徐視之蓋下句與土封微不同耳遂捨之今林氏頗振庚午舉人林弁癸酉舉人林汝思林廷輝皆其族也廣人口音稱賴布衣云

廬陵李禎字昌祺河南左布政使為人耿介廉潔自始仕至歸老始終一致人頗以不得柄用惜之嘗自贊其像曰貌雖醜而心嚴身雖進而意止忠孝稟乎父師學

問存乎操履仁廟稱為好人周藩許其得體不勞朋友
贊詞自有帝王恩旨蓋亦有為之言也景泰中韓都御
史雍以告之故老進列先賢祠中禎獨以嘗作剪燈餘
話不得與禎他為詩文尚多有運甓等集行世其餘話
誠謬而所謂至止妓人行亦大襲前人雖無作可耳

嶺南地偏氣異草木蟲魚之類固多別於中州予所見
者青蛙好登几席高樹之杪往往亦見有之南海祠前
波羅密樹其實大者至數十觔癸未冬所收尤大者至

三十觔重皮青黃色多角頗類刺蝟子味似茨菰肉甚厚以蜜漬之可調湯云

廣州府學教授長樂鄭萬奎藏其父耽犁手卷有洪武甲戌國子博士臨安錢宰所著耽犁生傳辛巳春三月晦日廬陵胡靖光大讀耽犁生傳一首又有建安張智蘇伯厚等詩文多不盡錄練子寧張顯宗二文於後耽犁賦閩粵之區有先號耽犁者耕於寬閒之野而老於熙皞之鄉以告松月居士曰吾拙於進取而惟犁鋤之

是耽安於蹇窮而惟稼穡之是務方吾犁之在手也茫
乎其無思熙乎其自怡不啻執圭秉璧之榮而運斤游
刃之適也夫是以取而自名子其為我賦之居士曰嘻
子知所以得遂夫耽犁之故否乎天生蒸民紛然有欲
強則凌弱衆則暴獨非聖神之首出孰克為之司牧藹
德禮於春生凜威刑於秋肅夫婦以別父子以屬彝倫
是惇風俗返樸夫是以士得遂其詩書商得通其販鬻
工得以措其巧於方圓農得以盡其力於種稷昔者堯

舜在上皞皞熙熙康衢擊壤幼恬老嬉湯武革命應天
順人漸仁摩義頌聲以興洎戰國之爭雄遂下逮夫秦
楚開阡陌而廢井田窮干戈而瀆威武民生斯時何所
控訴漢祖大度文景無為光武明章世紹丕基藹黎民
之醇厚幾刑措於斯時魏晉以降海宇紛爭歧為南北
干戈相仍偉唐室之開基繇太宗之神武感魏徵之仁
義歎封彞之莫覩曾未幾何藩鎮跋扈更歷五季民無
常主及乎宋室之興削平僭亂開文明之景運幾跨唐

而軼漢休養生息三百餘年彼番番之黃髮咸沒齒而
無怨元氏之哀羣雄奮起鹿逐鯨吞瓜分鼎峙哀蒼生
之分籍轉溝壑而未已赫焉大明如日之升櫬槍渙其
冰釋魑魅匿而無形接統乎千歲受命於穆清偃武修
文坐致太平出斯民於塗炭化愁怨為歡聲是以四海
之內無一夫之不獲皆女織紉而男農耕向使世途方
艱真人未出於斯時也救死而恐不贍又何暇眺犁鉏
而樂溝洫自今知之服膺勿失雖耕田與鑿井皆歌詠

夫帝力貧窮相資患難相恤租必先公食必先粒耕必讓畔以同歸乎吾皇之極於是躬犁生仰而謝俯而揖請書諸紳服之無斃洪武三年冬十月既望清江練子寧夫古人平居未達率躬耕以樂其道務本力穡以敦其業工賈逐末之事不與焉若伊尹之於有莘卻缺之於冀野德翁之於鹿門孔明之於南陽皆是物也閩人鄭琳讀書播耨執勤耒耜而不求聞達自號耽犁生吾友吏部侍郎練公子寧為賦以宣道其意音韻鏗鏘而

甚得體國子助教鄭孟宣氏懇余數語其後予嘉其陶然樂於畎畝之中非決性命之情以饗富貴者比特為書焉建文二年夏四月十八日臨汀張顯宗跋萬奎言顯宗狀元及第唱名前一夕高皇有夢雙絲墜地後任國子祭酒往江西起義兵不知所終又嘗記徐侍講元玉云聞之錢侍郎習禮錢吉水大族本亦練子寧踈遠姻親一時雖脫禍而恒為鄉人所持舉族不敢一吐氣習禮既入翰林猶然習禮不可奈何以告建安楊公公

一日獨對畢即以其事聞太宗欣然曰立賢無方便練子寧今日在此朕固當用之耳下令禁止之文皇帝之盛德至矣

右程子遺書二十五篇二先生門人記其所見聞荅問之書也始諸公各自為書先生沒而其傳寔廣然散出並行無所統一傳者頗以己意私竊竄易歷時既久殆無全編熹家有先人舊藏數篇皆著當時記錄主名語意相承首尾通貫蓋未更後人之手故其書最為精善

從益以類訪求得二十五篇因稍以所聞歲月先後第
為此書篇目皆因其舊而又別為之錄如此已見分別
次序之所以然者然嘗竊聞之伊川先生無恙時門人
尹焞得朱光庭所抄先生語奉而質諸先生先生曰某
在何必讀此書若不得某之心所記者徒彼意耳尹公
自是不敢復讀夫以二先生唱明道學於孔孟既没千
載不傳之後可謂盛矣而當時從遊之士蓋亦莫非天
下之英材其於先生之嘉言善行又皆耳聞目見而手

記之宜其親切不差可以行遠而先生之戒猶且丁寧若是豈不以學者未知心傳之要而滯於言語之間或者失之毫釐則其謬將有不可勝言者乎又况後此且數十年區區掇拾於殘編墜簡之餘傳誦道說玉石不分而謂真足以盡得其精微嚴密之旨其亦悞矣雖然先生之學其大要則可知已讀是書者誠能主敬以立其本窮理以盡其知使本立而知益明知精而本益固則一用之間且將有以得乎先生之心而於疑信之傳

可坐判矣此外諸家所抄尚衆率皆割裂補綴非復本篇異時得其所自來當復出之以附今錄之後亦將去其重複別為外書以待後之君子云爾右附錄一卷明道先生行狀之屬凡八篇伊川先生祭文一篇奏狀一篇皆其本文無可議者獨伊川行事本末當時無所論著熹嘗竊取實錄所書文集內外書所載與凡它書之可證者次其後先以為年譜既不敢以意形容又不能保無謬誤故於每事之下各系其所從得者今亦輒取

以著於篇合為一卷以附於二十五篇之後嗚呼學者
察言以求其心考跡以觀其用而有以自得之則斯道
之傳也其庶幾乎乾道四年歲在著雍困敦夏四月壬
子新安朱熹謹記 二先生遺書近歲既刊於建寧又
刊於曲江於嚴陵今又刊於長沙長沙最後刊故是正
為尤密始先生緒言傳於世學者每恨不克知其備私
相傳寫人自為本及是書之出裒輯之精亦庶幾盡矣
此誠學者之至幸然而傳之之廣得之之易則又懼夫

有玩習之患或以備聞見或以資談論或以助文辭或以立標榜則亦反趨於薄矣先生所以望於後之人之意為愈甚矣學者得是書要當以篤信為本謂聖賢之道由是可以學而至味而求之存而體之涵泳敦篤斯須勿舍以終其身而後已是則先生所望於後之人之意也敢敬書之附於卷之末乾道九年夏四月戊子廣漢張栻謹志

右遺書四冊平湖沈琮氏所藏云購之金陵公主府中舊藏張宣公跋尾親筆入刻也宋時所

刻書其匡廓中摺行上下不留黑牌首則刻上私記本版字數次書名次卷第數目其末則刻上姓名予所見當時印本書如此書如浦宗源郎中家司馬公傳家集往往皆然又皆潔白厚紙所印乃知古人於書籍不惟雕鐫不苟雖模印亦不苟也

杭州西湖傍近編竹節水可專菱芡之利而惟時有勢力者可得之故杭人有俗謠云十里湖光十里筩編筩都是富豪家待他十載功名盡只見湖光不見筩

推命論相人云自有此術至如相衣相手相押字相門戶之類其說尤多學亦有淺深理極微妙而存心立德有善有惡則又係乎其人故驗有不同但非常道固聖賢所不言也今以近歲所聞之特異者列於後以資談噓若因其偶然而遂信其所未然此固明者弗為也

景泰中四明表忠徹嘗謂白布政圭曰子固非我浙藩人也王都御史于尚書尚何不退白問何為曰王面無人色其名曰瀝血頭于雙目常上視其名曰望刀眼

保定伯梁瑤都御史王來歸自湖貴過濟寧見王驢兒曰吾行面君矣曰奚面君為不行可也二公大詬之已而中道得旨還鎮乃厚遺焉年戶部嘗為予言驢兒并能言其人性情心術某君子某小人往往皆中若鬼魅然及究其所由則惟以五行立論推焉

韓都御史雍坐事被收西江術者周季龍曰此都御史官也及左遷按察司人復以為問曰此都御史官也其預言石氏之禍尤驗

李景瓚占命聞京師至山東謂陸布政瑜曰刑部劉尚
書休矣公宜促裝代之已而果然景瓚館錢翰林原溥
家原溥酷好談星嘗中夜相對細推景瓚被酒言公五
十左右得金帶不可受儻一得之

缺

水東日記卷十四

欽定四庫全書

水東日記卷十五

明 葉盛 撰

今山陰陸氏譜有唐觀察使庶吳郡陸氏四十九枝族
譜歐陽修唐書陸氏宰相世系表平江府慧感夫人家
藏譜序衢州陸氏太常左卿緯遺譜宋餘杭陸氏周宰
譜慶元陸氏宗系後譜錄吳郡陸氏家乘山陰陸氏重
修二十九枝宗系蓋自齊元侯通為一世至今凡六十

又三世矣茲錄放翁家訓於此元題曰太史公緒訓

昔唐之亡也天下分裂錢氏崛起吳越之間徒隸乘時
冠屨易位吾家在唐為輔相者六人廉直忠孝世載令
聞念後世不可事偽國苟富貴以辱先人始棄官不仕
東徙渡江夷於編氓孝悌行於家忠信著於鄉家廷凜
然久而弗改宋興海內一統祥符中天子東封泰山於
是陸氏乃與時俱興百餘年間文儒繼出有公有卿子
孫宦學相承復為宋世家亦可謂盛矣然游於此竊有

懼馬天下之事常成於困約而敗於奢靡游童子時先君諄諄為言太傳出入朝廷四十餘年終身未嘗為越產家人有少變其舊者輒不懌其夫人棺纔漆四會婚姻不求大家顯人晚歸魯墟舊廬一椽不加也楚君少時尤苦貧革帶弊以繩續絕處秦國夫人嘗作新襦積錢累月乃能就一日覆羹污之至泣涕不食太尉與邊夫人方寓宦舟見婦至喜甚輒置酒銀器色黑如鐵菓醢數種酒三行而已姑嫁石氏歸寧食有籠餅亟起辭

謝曰昏耄不省是誰生日也左右竊笑楚公歎曰吾家故時數日乃啜羹歲時或生日乃食籠餅若曹豈知耶是時楚公見貴顯顧以啜羹食餅為泰愀然歎息如此游生晚所聞已畧然少於游者又將不聞而舊俗方以大壞厭藜藿慕膏粱往往更以上世之事為諱使不聞此風放而不還且有陷於危辱之地淪於市井降於皂隸者矣復思如往時父子兄弟相從居於魯墟塋於九里安樂耕桑之業終身無愧悔可得耶嗚呼仕而至公

卿命也退而為農亦命也若夫撓節以求貴市道以營利吾家之所深恥子孫戒之尚無墜厥初乾道四年五月十三日大中大夫寶謨閣待制游謹書

吾見平時喪家百費方興而遇俗又侈於道場齋施之事彼初不知佛為何人佛法為何事但欲誇鄰里為美觀爾以佛經考之一四句偈功德不可稱量若必以侈為貴乃是不以佛言為信吾死之後汝等必不能都不從俗遇當齋日但請一二有行業僧誦金剛法華數卷

或華嚴一卷不啻足矣如此為事非獨稱家之力乃是深信佛言利益豈不多乎又悲哀哭踊是為居喪之制清淨嚴一方盡奉佛之禮每見喪家張設器具吹擊螺鼓家人往往設靈位輟哭泣而觀之僧徒銜技幾類俳優吾常深疾其非禮汝輩方哀慕中必不忍行吾所疾也且侈費得福則貪吏富商兼并之家死皆生天清節賢士無所得財悉當淪墜佛法天理豈容如是此是吾告汝等第一事也此而不聽他可知矣

升濟神明之說惟出佛經黃老之學本於清淨自然地獄天宮何嘗言及黃冠輩見僧獲利從而效之送魂登天代天肆赦鼎釜油煎謂之鍊度交梨火棗用以為修可笑者甚多尤無足議聊及之耳墓有銘非古也吾已自記平生大畧以授汝等慰子孫之心如是足矣溢美以誣後世豈吾志哉

吾平生未嘗害人人之害吾者或出忌嫉或偶不相知或以為利其情多可諒不必以為怨謹避之可也若中

吾過者尤當置之汝輩但能寡過勿露所長勿與貴達親厚則人之害已者自少吾雖悔已不可追以吾為戒可也

禍有不可避者避之得禍彌甚既不能隱而仕小則譴斥大則死自是其分若苟逃譴斥而奉承上官則奉承之禍不止失官苟逃死而喪失臣節則失節之禍不止喪身人自有懦而不能蹈禍難者固不可強惟當躬耕絕仕進則去禍自遠

風俗方日壞可憂者非一事吾幸老且死矣若使未遽死亦決不復出仕惟顧念子孫不能無老嫗態吾家本農也復能為農策之上也杜門窮經不應舉不求仕策之中也安於小官不慕榮達策之下也捨此三者則無策矣汝輩今日聞吾此言心當不以為是他日乃思之耳暇日時與兄弟一觀以自警不必為他人言也

氣不能不聚聚亦不能不散其散也或遽或久莫或致詰而昧者置欣戚於其間甚者祈延而避促亦愚矣吾

年已八十更壽亦不過數年便終固不為夭杜門俟死尚復何言且夫為善自是士人常事今乃規後身福報若市道然吾實恥之使無禍福報應可為不善耶

吾承先人遺業家本不至甚乏亦可為中人之產仕官雖齟齬亦不全在人後恒素不閑坐事又賦分薄俸祿入門旋即耗散今已懸車目前蕭然意甚安之他人或不諒汝輩固不可欺也

厚葬於存歿無益古今達人言之已詳余家既貧甚自

無此慮不待形言至於棺柩亦當隨力四明臨安倭船到時用三十千可得一佳棺念欲辦此一事窘於衣食亦未能及終當具之萬一倉卒此即吾治命也汝等第能謹守勿為人言所搖木入土中好惡何別耶

近世出塋或作香亭魂亭寓人寓馬之類一切當屏去僧徒引導尤非敬佛之意廣召鄉鄰又無益死者徒為重費皆不須為也

古者植木塚上以識其處耳吾家自先太傅以上塚上

松木多不過數十太尉初葬寶峰比上世差為茂鬱然亦止數畝耳左丞歸葬之後積以歲月林樾寔盛遂至連山彌谷不幸孫魯遂有剪伐貿易之弊坐視則不可禁止則爭訟紛然為門戶之辱其害更甚於厚葬吾死後墓木毋過數十或可不陷後人於不孝之地戒之戒之

石人石虎之類皆當罷之欲識墓處立一二石柱可也守墓以僧非舊也太傅嘗為鄉邦其力非不可置菴瞻

僧然終不為豈儉其親哉蓋慮之審耳墳墓無窮家資
厚薄不常方當盛時雖可辦貧則必廢又南方不族墓
世世各葬若葬必置菴贍僧數世之後何以給之吾墓
但當如先世置一庵客歲量給少米拜掃日給之酒食
及少錢此乃久遠事也若云賴僧為福尤為不然

吾少年交游多海內名輩今多已零落後來佳士不以
衰鈍見鄙往往相從雖未識面而曾定交者亦衆恨無
由徧識之耳又有道途一見心賞其人未暇從容旋即

垂隔今既屏居不出遂不復有邂逅之期吾於世間萬事悉不貯懷獨此未能無遺恨耳

人生才固有限然世人多不能克盡其實至老必抱遺恨吾雖不才然亦一人也人未四十未可著書過四十又精力日衰忽便衰老子孫以吾為戒可也

人與萬物同受一氣生天地間但有中正偏駁之異爾理不應相害聖人所謂數罟不入洿池弋不射宿豈若今人畏因果報應哉上古教民食禽獸不惟去民害亦

是五穀未如今之多故以補粒食所不及耳若窮口腹之欲每食必丹刀几殘餘之物猶足飽數人方盛暑時未及下著多已臭腐吾甚傷之今欲除羊彘鷄鵝之類人畜以食者

牛耕犬警皆資其用雖均為畜亦不可食

姑以供庖其餘川泳

雲飛之物一切禁斷庶幾少安吾心凡飲食但當取飽若稍令精潔以奉賓燕猶之可也彼多為珍異誇眩世俗者此童心兒態切不可為其所移戒之戒之

世之貪夫谿壑無饜固不足責至若常人之情見他人

服玩不能不動亦是一病大抵人情慕其所無厭其所
有但念此物若我有之竟亦何用使人歆豔於我何補
如是思之貪求自息若夫天性澹然或學問已到者固
無待此也

人士有與吾輩行同者雖位有貴賤交有厚薄汝輩見
之當極恭遜已雖高官亦當力請居其下不然則避去
可也吾少時見士子有與其父之朋舊同席而劇譚大
噱者心切惡之故不願汝曹為之也

吾惟文辭一事頗得名過其實其餘自勉於善而不見知於人蓋有之矣初無願人知之心故亦無憾天理不昧後世將有善士使世世有善士過於富貴多矣此吾所望於天者也

居喪之禮不可不勉人固有體氣素弱不能常去肉食者禮亦許之然亦不得已耳至若寢苦於地東南卑濕決不可行食去鹽酪亦非南人所堪如此之類小有出入固有不得已者若夫飲酒及廣設殽羞以至招客赴

食之類乃可以守禮而不守者亦是近世禮法陵夷遂至於此汝輩各宜勉之若不能人人皆行則行者自行而已兄弟相駁亦無如之何也

訴訟一事最當謹始使官司公明可恃尚不當為況官司關節更取貨賄或官司雖無心而其人天資闇弱為吏所使亦何所不至有是而後悔之固無及矣況鄰里間所訟不過侵占地界逋欠錢物及兇悖陵犯耳姑徐徐諭之勿遽興訟也若能置而不較尤善李叅政漢老

作其叔父成季墓誌云居鄉則以謹畏不若人為哲真
達識也

吾居貧不喜為人言故知者少今啓予足之後乃至不
能辦棺斂度不免以累親故然當痛節所費但或入土
則已矣更不可藉口於人以資他用

九里袁家嶼大墓及太傅太尉左丞少師榮國夫人康
國夫人諸墓歲時切宜省視修葺近歲族人不幸有殘
伐擾害者吾竭力禁止之雖遭怨詈誣訟者皆不敢恤

一二年來方似少止以後固不可保然已蒙郡中給榜嚴戒他日援此有請既非創始必易為力然須汝輩念念不忘舉措必當然後可耳

餘慶藏書閣色色已具不幸中遭擾亂迄今未能建立吾寢食未嘗去心若神明垂祐未死間或可遂至萬一費志及泉汝輩切宜極力了之至祝至望此閣本欲藏左丞所著諸書今族人又有獲取庵中供贍儲蓄及書籍者則藏書於此必至散亡不若散之於家止為佛閣

畧及奉安左丞塑像可也此事本不欲書然勢不可不告子孫言及於此痛心實涕而已

子孫才分有限無如之何然不可不使讀書貧則教訓童稚以給衣食但書種不絕足矣若能布衣草履從事農圃足跡不至城市彌是佳事關中村落有魏鄭公莊諸孫皆為農張浮休過之留詩云兒童不識字耕稼鄭公莊仕宦不可常不仕則農無可憾也但切不可迫於衣食為市井小人事耳戒之戒之

後生才銳者最易壞若有之父兄當以為憂不可以為喜也切須常加檢束令熟讀經子訓以寬厚恭謹勿令為浮薄者游處如此十許年志趣自成不然其可慮之事蓋非一端吾此言後人之藥石也各須謹之毋貽後悔

南京大理少卿宜興楊公復能詩有盛名其家僮往往於玄武湖壩取萍藻為豚食吳思庵時握都察院章以其密邇廳事拒之楊荅以小詩云太平隄下後湖邊不

是君家祖上田數點浮萍容不得如何肚裏好撐船蓋
諺有之宰相肚裏好撐船此嘗聞諸節之

呂尚書震與學士解公縉一日談及食中美味呂曰駝
峰珍美震未之識也解云僕嘗食之誠美矣呂公知其
誑已他日從光祿得死象蹄脛語解曰昨有駝峰之賜
宜共饗焉解因大嚼去呂寄以詩曰翰林有箇解癡哥
光祿可曾宰駱駝不是呂生來說謊如何嚼得這般多
此亦節之聞之京師人云不知果有此事否

水東日記卷十五

欽定四庫全書

水東日記卷十六

明 葉盛 撰

今印行宋名臣言行錄前集趙普曹彬范質竇儀李昉
呂蒙正張齊賢呂端錢若水李沆王旦向敏中陳恕張
詠馬知節曹瑋畢士安寇準高瓊楊億王曙王曾李迪
魯宗道薛奎蔡齊呂夷簡陳堯佐晏殊宋庠韓億程琳
杜衍范仲淹种世衡龐籍狄青吳育王堯臣包拯王德

用田錫王禹偁孫奭李及孔道輔孫甫尹洙王質陳搏
种放魏野林逋附胡瑗孫復石介蘇洵後集韓琦富弼
歐陽修文彥博趙槩吳奎張方平胡宿蔡襄王素劉敞
唐介趙抃呂誨彭思永范鎮魯公亮王安石司馬光則
康附呂公著則希哲附魯鞏曾肇蘇軾蘇轍韓絳韓維
傅堯俞彭汝礪范純仁王存蘇頌劉摯王巖叟劉安世
范祖禹陳瓘鄒浩邵雍陳襄劉恕徐積陳師道為五朝
云朱夫子纂集太平老圃李衡校正有寶祐戊子廬陵

李居安張續集黃庭堅任伯雨江公望豐稷陳過庭陳
師錫吳敏曹輔孫傅許份錢卽种師道傅察劉韜程振
李若水歐陽珣宇文虛中洪皓張邵宋弁張叔夜鄭驥
張克戩向子韶孫昭遠郭永楊邦入呂社別集李邴權
邦彥張缺陳康伯范宗尹朱棹張燾鄭鼓滕康王庶沈
與永汪澈周麟之葉夢得程瑀王大寶廖剛胡舜陟衛
膚敏陳公輔陳戩張闡王縉杜莘老黃龜年辛次膺汪
藻綦崇禮呂本中王居正胡寅潘良貴吳玠吳璘周葵

王庭珪范如圭翁蒙之向子諲向子志陳規趙密王德
張子蓋李寶李彥仙趙立魏勝外錄周敦頤程顥程頤
張載則戩附邵雍呂希哲范祖禹朱光庭劉絢李籲呂
大鈞呂大臨則大忠附蘇昞謝良佐游酢楊時劉安節
尹焞則張繹附馬伸則孟厚侯仲良周行已附王蘋李
郁胡安國胡宏胡憲劉子翬劉勉之李侗朱松朱熹張
栻呂祖謙魏梃之劉清之陸九齡陸九淵陳亮蔡元定
蔡沈後集於呂希哲邵雍曰詳見外錄有景定辛酉浚

儀趙崇

缺

引云其外孫明溪李幼武士英所輯且云朱

子所編止八朝之前士英則南渡中興之後四朝諸名
臣也今觀別集一卷有李綱二卷有呂頤浩三卷有張
浚皆另在卷前不在目錄中又殘缺脫板甚多頗疑其
非朱子手筆為後人所增者頗多蓋諸子纂緝本意非
為廣聞見也期有補於世教而深以虛浮怪誕之說為
非今其間呂夷簡非正人而記剪髭賜藥之詳余襄公
正人而有杖醫懷金之恥蘇子瞻蘇木私鹽等事亦無

甚關繫若此者蓋不一也豈李居安所謂剪截纂要其是之謂歟嘗見章副使繪有此書巾箱小本又聞叔簡尚寶家有宋末廬陵鍾堯侖所編言行類編舉要十六卷前後集尚俟借觀以祛所惑又嘗見宣府舉人林春有元蘇天爵所編名臣四十七人事畧許有壬諸公皆別有親筆序其人蓋穆呼哩安圖巴延阿珠阿爾哈雅伊囉勒諾延伊徹察喇圖圖爾哈旺扎勒達爾罕布呼珠徹爾耶律楚材楊惟中汪世顯嚴實張柔張弘範劉秉忠

史天澤廉希憲張文謙竇默姚樞許衡王恂郭守敬劉
肅宋子貞楊果張德輝李德輝商挺趙良弼賈居貞王
鶚王磐李昉徐世隆楊奐李冶楊恭懿董文炳董文用
董文忠郝經劉因其曰太師魯國淮安河南楚諸王公
之勲伐中書令丞相耶律楊史之器業宋商姚張之謀
猷保定藁城東平鞏昌之方畧二王楊徐之辭章劉李
賈趙之政事興元順德之有古良相風庶恒山康軍國
之有士君子操太保少師三太史天人之學陵川容城

名節之持司徒文正公尊主庇民之術歐陽圭齋序云
事畧凡十五卷噫宋元邈矣我國朝聖聖相承歷八朝
幾百年名臣碩輔蓋多矣而未有紫陽天爵者出何哉
南海神廟中銅鼓二黃冠毀其一今存者一徑尺缺

寸圍尺缺寸高尺缺寸面圓不甚厚邊突起狀蟾

蜎者六邊地仍出口外寸許以次層細如腰束然下復
大與面等面與四圍皆細波紋中心高起寸許圓圍缺

寸徑寸缺分蓋控擊處也或曰二廣銅鼓皆馬伏波

時作南海天妃廟舊亦有之廣西蠻夷土官最多若雲南貴州則武侯作今夷酋寶蓄之以集衆云

元人挽文丞相近體之字韻詩史家以為翰林王磐作或又云徐世隆作朱知孰是趙松雪集懷德清別業第二詩唐錢起詩也但花盡作花落不同耳豈公嘗手書之編類者遂悞收入集耶荆公臨川集亦有類此者近黃諫侍講集解學士文以宋景濂送張藻仲歸聚詩亦編入又不知廣西有宣成書院遂妄改其詩題為宣聖

書院至詩中不可念則又改曰文宣書院皆可笑之甚者也

今人似大舒氣作聲為打呵欠韓昌黎詩噫欠為飄風
注意烏介切欠或作吹方云聚氣為噫張口為欠說文
欠張口氣悟也宋孟顛以亢聲大欠被勅舊本作噫歆
蓋警神聲也見鄭氏禮注音於其切者非

真清三韻本不宜通用張篠庵兄弟云竊知忌此但詩
與楚辭多有之蓋時或一見焉杜工部百舌詩亦然

讀湖廣新編國朝進士題名錄惜其任已意為之脫
略訛謬不可枚舉即如永樂二年甲申四年丙戌兩
科第二甲所刻策皆畧去且洪武中尤甚脫畧殊無足
觀題名記王抑庵云自洪武辛亥至正統丙辰二十科
陳德遵云自洪武乙丑歲至景泰五年進士題名太學
者二十四榜兩人故史官其言不甚同如此如抑庵言
則洪武三年庚戌開科辛亥會試至洪武二十七年甲
戌張信榜前尚有五科蓋自張信至丙辰周旋則十五

科也但辛亥至甲戌三十三年中不知五科者的在何
年也如陳言則自洪武十七年甲子開科乙丑會試至
甲戌為四科則是景泰五年為二十四科較之抑庵所
云則又當作二十六科矣雖陳似止言題名太學以今
題名錄考之乙丑辛未二榜未知為誰碑之有無又未
可知又聞楊文貞公云洪武辛未至宣德丁未臨軒策
士十有六蓋又有不同焉者因念前代名臣事蹟如宋
之言行有錄奏議文鑑有編詳備可考下至軍旅醫藥

亦有武經總要大觀本草等書皆有成書皆可師法今
登科一事即洪武中事已無能悉者然則當蘭臺芸館
之任擅玉堂金馬之清有金匱石室之富予蓋不能無
待於今日之諸君子焉

獨石叅將黃瑄往日言少嘗追事武安侯鄭亨陽武侯
薛祿兩總戎如斯人今皆不可復得已武安治大同極
有威嚴前呵一出街頭狗豕皆走避之瑄所目擊當時
人亦大異此事不謁神祠惟騎馬過城隍廟前則舉手

曰大哥好照顧餘寺觀祠宇一不顧也陽武侯築獨石
隆慶諸城躬勤早莫軍中肅然不毫髮科擾尋以病還
朝繼之者修武沈清則貪濁之風作矣瑄故予部將也
頗有庶聲將畧亦在優等蓋知慕前輩者云

莊浪屬環雪山其北生甍牛毛雜黑白二色長甚孔軍
中紅黑纓皆用之紅即茜染白毛也毛牛與黃牛合則
生楠牛亦頗類毛牛又有山中野牛亦相類又有饕羊
土人歲取其脂非久復滿腹蓋地接西番偏方氣使然

耳

凡人榮辱進退等事固亦有命所謂飲啄有前定況死生禍福其大者耶茲舉一二所聞於後雖然有性焉君子不謂之命也

正統丙辰廷試閣老將進讀卷問同事諸公曰孰能識周旋否其人物何如浙人有誤聽者荅曰面白而偉蓋所問者溫人周旋而所對則淳安周瑄也

己巳冬邊方騷動兵部郎中羅通守居庸復以給事中

孫祥守紫荆廷儀皆授僉都御史時殿下方御極面命吏部誤云副都御史遂因之云

統幕潰圍一戍卒嘗語其家人曰亂殲叢中吾見一神人謂曰爾非此中人豆腐閘兒人也既而得脫還然莫曉所言何謂未幾敵犯土城官軍接戰此卒竟沒於豆腐閘陣中

余在兵科急欲詢將官應詔同年夏季爵主事曰聞南京陳旺者正統中黃尚書福薦來不果用今在陝西予

聞之躍然蓋以尚書卓然名臣其所薦必佳士也他日
旺以貪敗始得之人曰旺不為尚書所容其所薦者宗
載尚書耳

文字著述官制稱謂器物名號以至歌謠語讖戲謔之
言多有徵應亦皆有當諱避者前古固多有之近世亦
然文字如玉言制策之類視草者尤不可不慎也智者
詳之

漢高帝忌栢人之名岑壯侯惡彭亡之地

宋神宗改元大成豐亨之議三省臺印乖戾倒屈宣撫使印從亡之應劉原父梅都官鄭都官之戲歐陽公內地招討之疑劉義叟編鍾之論趙世長送燈臺之詩後皆有驗可考也

吳之馬鞍山陰疊浪軒面湖水數百頃宋時有識者曰車干水宜良田今湖為桑田久矣

賈似道福華編誠覆國矣

咸淳中將作監楊文仲兩侍經幄屢得賜詩中有一元

肇始大原壹正之語蓋未十年而宋運訖矣宣府有朝
元觀胡毘陵尚書扈從寓宿易之曰朝玄

王翰林玉初名子璠鄉試當魁時初平高煦拆卷以其
音類玉子反也已之

正統中京師旱小兒輿土龍禱雨類云雨地兩地城隍
土地雨若大來謝了土地等語又嘗有羣兒環繞一人
按月問荅事尤為時異也

陳皞者自號安止任會稽知縣後調淳安竟坐事罷官

朱晦庵廬山紀行詩有曰斯須莫雲合白日無餘暉金
波從地湧寶燄穿林飛僧言自雄誇俗駭無因依安知
本地靈發見隨天機註云天地院西數步有小佛閣下
臨絕壑是遊人請登處僧云燈非禱不見是日不禱而
光景明滅頃刻異狀諸生或疑其妄予謂僧言則妄而
此光不可誣豈地氣之盛而然耶又有觀野燈詩飛螢
腐草尋常事作底茲山獨耀芒須信地靈資物化金膏
隨處發精光他日又云廬山下有寶故常有光吾江南

平疇曠野夜中常常有燐火點點往來不定或自一而百千或亂千百而卒歸於無俗云鬼火豈亦所謂昭明焄蒿悽愴者耶

東里居士還家詩一則曰猶有黃花待我回二則曰定有黃花待客回豈亦昌黎留花不發侍郎歸之意耶

數十年來號知詩者稱揚東里公而好議論者或以公千古莖靈輒謂靈輒非可莖也素行元不忝謂素其位而行經語非可詩也此豈所謂不知詩者耶雖然黃山

谷云爾雅山有穴為岫謝玄暉窓中列遠岫徐浩孤岫
龜形在皆誤用字後來黃東發遂以山谷晴岫插天如
畫屏為自背其說又以其顧我今成喪家狗期君早作
濟川舟喪字本平聲不當作去聲用蓋在古人已然矣
山谷東發皆名儒愚於此未敢以其說為然

正統十三年彭時榜進士詔選北士

缺

林為

庶吉士命儒臣教督之長州劉詹事先生宗器公安王
祭酒先生的

缺

亦嘗同事時山東士二人尹旻同仁孫

昱廷昭也同仁之言曰兩先生言行皆可師法劉先生
一日出送行同官之任南京詩一律命書之詩成慟哭
不能語忠誠之發左右莫不感動其詩曰一尊傾罷雨
蕭蕭客思離情總不消十載禁林同侍講五更青瑣共
趨朝西風鴻鴈南歸急落日雲烟北望遙此際送君無
限意踈踈楊柳玉河橋

予嘗記宋嘉定中地理厲伯韶事茲讀開化江氏譜見
秉心紀善贊魯學世求作墓記書云桂巖去開化縣治

東南二十五里西塘又去桂巖西南百步侍御景房之墓在焉松檟蒼鬱岡巒屈曲勢若蜿蜒然宋季有相地者賴布衣過之留記云云此墓是已乃知稱賴布衣者不獨嶺南人也

水東日記卷十六

欽定四庫全書

水東日記卷十七

明 葉盛 撰

袁伯長謂唐僧一行陋周畿漢志之狹始定南北兩戒
而山川之肇源止伏一覽可盡予近見廣輪疆理一圖
其方周尺僅二尺許東因黑龍江西海桐南自雷廉特
磨道站至歹灘通西皆界以格大約南北多東西差少
其陰則清濬等二詩嚴節一跋因悉錄之

萬里山川咫尺中江河迤遞總朝東當時漢帝曾披此

鄧禹因之立大功

沙門清濬

四海都歸掌握中眼空南北與西東此圖畫就非容易

為問沙彌幾日功

武林王遠


此圖乃元至正庚子僧清濬所畫大率廣袤萬餘其間

省路府州各以次列仍書名山大川水陸限界予喜其

詳備因摹一本置之坐隅凡城郭山川道里遼絕者悉

在掌握焉

昔景泰壬申正月嘉禾嚴節貴中謹識



通西
雲南
貴州
四川
湖北
湖南
江西
安徽
江蘇
浙江

成都
重慶
萬縣
宜昌
沙市
漢口
蕪湖
鎮江
揚州
南京

雲南
貴州
四川
湖北
湖南
江西
安徽
江蘇
浙江

成都
重慶
萬縣
宜昌
沙市
漢口
蕪湖
鎮江
揚州
南京

雲南
貴州
四川
湖北
湖南
江西
安徽
江蘇
浙江

右廣輪疆里圖

都御史題名

天順

楊善

蕭維禎

馬昂

羅通

軒輓

徐有貞

劉廣衡

寇深

耿九疇

羅綺

李賓

李秉

林聰

韓雍

王儉

左鼎

葉盛

白圭

程信

徐瑄

王宇

陳翊

芮釗

崔恭

年富

張楷

胡本惠

賈銓

石璞

劉孜

王竑

陳泰

李匡

王槩

吳禎

吳琛

王越

滕昭

陳侂

項忠

高明

徐廷璋

汪浩

盧祥

王恕

周瑄

宋傑

李浩

李侃

羅篳

張岐

原傑

閻本

袁愷

章璠

張敦華

陳宜

工銳

邢宥

楊璠

陳濂

張鵬

彭誼

鄭能

馬文升

翁世資

秦敬

景泰末年

左都御史

楊善

蕭維禎

馬昂

右都御史

李實

副都御史

年富

劉廣衡

寇深

宋傑

徐有貞

耿九疇

李賓

馬瑾

僉都御史

陳泰

韓福

鄭顯

韓雍

李秉

余儼

彭誼

御史遷謫各因事不同其人亦賢否不一予所聞

永樂十九年御史黎悟何忠羅通奉詔言事與六科官皆陞邊遠知州宣德六年劉觀既退右都御史顧公佐黜繆讓等正統二年都御史陳智罷王文初政去御史成規章圭等十二年南京御史范霖楊永等以劾都御史周銓而或死或戍景泰六年御史倪敬等則以言事後奉勅考察補外未幾南京潘鏞等繼之不能悉記也天順元年甘澤劉琚黃溥璩安趙瑄王豪等例改經歷六科與者三

人後來楊宣并張鵬等十三人則皆以忤權姦得罪左遷知縣十二人皆可者茲用具見如左

邵銅

周斌

李人儀

彭烈

王鑑

盛顯

陶復

張奎

張寬

鄭冕

趙文博

費廣

兩廣方岳郡守題名

廣東

都司

都指揮使

胡英

徐寧

張通

同知

耿全

高啓

馬震

裒忠

僉事

徐寧

孫旺

韋俊

尹通

林清

徐昇

王剛

姚璣

徐寧

姜銘安

桂福

署僉事田積

帶俸使張瑀

僉事焦用

布政司

左布政使

宋彰

陳疊

右布政使

陳疊

王庾

張瑄

左叅政

胡拱辰

龔毅

右叅政

吳惠

劉煒

左叅議

熊鍊

范琮

唐瀟

右叅議

朱英

王英

按察司

按察

方員

夏壘

副使

楊宜

張文

陳泰

鄺彥譽

陳濂

僉事

樂景

陳濂

季駁

謝懋

歐輝

張昊

金愷

蔣敬

王鼎

戈立

黃隆

張祚

鄧順

毛吉

傅博

鄒允隆

胡榮

廣州府知府李恕

沈琮

南雄府知府李春

劉實

姜約

韶州府知府王玘

林茲

陳暄

余瓚

肇州府知府鄭暹

黃瑜

惠州府知府李鑑

翟敬

李叔玉

潮州府知府黃玘

周宣

李永寧

陳瑄

廉州府知府李遜

饒秉鑑

雷州府知府莊敏

潘鏞

高州府知府何盛

陳晴

劉海

瓊州府知府葉鼎

任孜

廣西

都司

都指揮使

彭英

同知

杜衡

邢斌

僉事

花琛

劉清

李敬

陳綱

署僉事葛宗蔭

黃鉞

孫震

帶俸使夏霖

同知 岑瑛

張麟

僉事 李延

署僉事李端

布政司

左布政使 何瑄

陳金

張文昌

錢奐

右布政使

張文昌

熊鍊

左叅政

歐陽洙

李柰

右叅政

趙象

崔璵

左叅議

朱驥

曾序

右叅議

曾序

黃仕儁

陸禎

按察司

按察使

計澄

江勛

副使

雷復

田崇

周璠

僉事

周璠

余泰

龍澄

董應軫
張本端
袁凱

王濬
劉珣

桂林府知府林英
何永全

柳州府知府龔璣

慶遠府知府黃振
吳讓
周一清

平樂府知府黃嵩

梧州府知府黃英
李璉
袁衷

潯州府知府盧彰
李華
余用訥

羅俊

南寧府知府張彛

王裕

王鏞

太平府知府林貴

鍾順

利用

田州府知府岑鑑

岑鏞

鎮安府知府岑元全

思明府知府黃道

思恩軍民府知府

岑璠

水東日記卷十七

欽定四庫全書

水東日記卷十八

明葉盛撰

李墟張氏

輓

觀國賓
布恭

輓

石浦王氏

邦彥 立本 麒 宗慶

麟 宗善

子七

瑩潭 輔之 君舉

鳳 彥庸

子三

國寧 鼎 敬 瑄

鼎 琚

鼎

王氏自邦彥以上皆儒師瑩潭輔之有詩文陳琳宗

古家有錄本

毛澳邵氏

七官

金氏

仲達

顧氏

德名

余氏
宋氏顯

邵氏盛蕩之族七官人娶金元七總管第六女按公所生五男二女豈官人所娶乃五男以下之長女耶蓋鄉俗行第不分男女故云

廟涇郭氏

文

通甫

清嫁葉胡
寅嫁金安

壽四

文富 忠甫 信昭 宗璫

蕭墅張氏

千十四郎貴一辛一辛七 振宗

大總把 秋岩 新之 王氏仲芳氏景榮祖張氏伯璿氏祁世隆

一云 千十二公 千五十八公 千七郎

吉甫 嗣宗 方繼先莊世昌氏

小把總 大官人 泰講王

二官人

三官人

四娘子

五益大師

大字乃壽樂公手寫旁註小字見馬氏所藏分書
并宗支小圖說見後

梅村 漢傑

總把某 振祖 傑 伯庸 僖

公謹

倫 公叙 基 潤

韋公奇場

侶舉

僖以上見表子英文基以下及梅村漢傑傑四字則里
杜師舉所云張日東又云嘗見東墳庵內有碗一枚
上煉漢材二字豈又漢傑兄弟耶

張千九郎 慶一郎

張千八郎 廿八娘

男 方付一
方付四

沈慶四娘大方四十二郎

女方二娘
小四娘

沈慶八娘夫徐慶三郎徐付五娘
夫吳三官

大女阿三娘贅沈七十五郎

張千二公 千十三郎千十九郎娶陳六娘壩房廿郎張廿一郎

小女阿四娘

千十六郎 升二郎

張千十郎 千五郎 三十七郎

千十八郎

升二郎

女貴娘夫印一官

大總把千十四郎

辛六

本康平遠子
娶石二娘

男貴娶管氏 辛一官娶王氏

辛七

庶生娶
景五娘

小總把千七郎 男一官二官三官四娘子五益太師

右馬氏所藏張氏宗圖外有張新之至元五年四月

分書云室王無子皇慶二年求康平遠子為義男名

張嗣宗娶方生一男一女後於至治元年庶生男振
宗娶景見分者張妙正張俊卿張伯壽印月湖朱君
寶云

震之

顧氏

世華

杜氏

士賢

士能

珉

士良 繼宗 瑜

僧寺經疏曰震之後九臬所圖乃振字其云桂臬而
蕭墅普安橋所鑿又云元統二年三月張桂高建高

字亦不同

梅村

漢傑

伯庸

小總把

桂皋

振之

世華

士能云此圖乃九皋所書九皋尚有子細宗圖為士能倉卒失去

九皇

君厚

顧氏尤氏

徐氏

士安

金氏

鵬翼

吳氏尹氏

璿

觀

叔瑜

璣

玉

衡
昂

景

皦
景

遠

曠

皦亦里杜師也

南戴王氏

祥卿

伯廣舉之

孟禮凱

瑞卿 璵天麒

綱

孟智信

紀

璿叔衡復

震

巽揖

益

恒經

緯

河南梁氏

長女 適祁州知州楊性

某元重慶同知

某崑山同知

陞桂楊府判官家崑山

玉前婺州經歷

次男 璨 太谷簿

右見呂普庵所作楊夫人銘

孔彰

宋奉議大夫四
川重慶府同知

仲德

宋承德郎山西
平陽府通判

澤民

元迪功郎婺
州路經歷

國用

明將仕郎太原
府太谷縣主簿

孟鏞

山東館陶縣四
川萬縣主簿

棟

昱
山西平定
州知州

上艾耿氏

右見梁氏相傳

教授

金

知事

元

推官

大祝

守直

復

文

承祖

教諭

國朝

尚書

檢討

綱

九疇

裕

耿之先本真定東鹿桂子隆花村人金初徙山西樂平孔子里遠祖昉任平定軍宣武第十指揮使遂為平定人守直之父升夫婦死元兵有功於其鄉云

南陽郡葉縣南頓鄉高貴里葉氏

湖州烏程承璩之後

睦州新定承碩之後

建之建安承遊之後

衢之西安承願之後

歙州新安承續之後

漢有尤者為太尉尤生太中大夫禕禕生長樂太守
嘉嘉二子光為侍中原為武陵令原生南頓太守宗
宗生鴈門太守仲仲生雲夢令穎穎生太中大夫望
自尤以下嘉光宗皆別為祖合葉公之後為六族皆
葬南陽以南陽郡葉縣南頓鄉高貴里為定著漢末
天下亂望以建安二年渡江僑居丹陽句容子孫始
有居丹陽者望之夫人陳氏生一子遂遂生成胤二

子長琚次璲琚四子長碩次儉次遊次願碩二子長
曠次豫豫二子長績次續琚以下各以其族散居四
方派別不一

縉雲派儉字臣文晉折衝將軍括蒼太守徙居縉雲
十三世曰乾昱乾昱四世曰法善以方技顯於唐
皆世居縉雲括蒼州永嘉郡唐大厯十四年更名
處州故居處州者皆祖儉而以松陽縣移風鄉為
定著

烏程派 夢得七世祖彪生贈刑部侍郎達事吳越
刑部夫人永安郡太君羊氏塋湖州葉氏始自縉
雲遷湖州而居烏程者以烏程縣霅州鄉中書星
為定著

長洲派 夢得曾祖贈金紫光祿大夫諱綱塋蘇州
寶華山遂為吳郡人而以長洲縣道義鄉為定著
葉本攝音訛為今稱偏求姓氏之書自唐以來始僅
得於有道及歙州之碑本末亦不完晚獲睦州譜稍

知源流今圖所載凡再絕再續皆因書之存亡自尤
至儉得於睦州譜自儉至玄尚得於有道及歙州之
碑九世祖而下則得於家牒睦州譜雖詳間亦殘缺
文字多抵牾今世傳唐姓氏譜一弓別河南八姓葉
居其一不知河南葉氏何所承其尤曰周太尉太尉
非周官由望推而上至尤纔七世望以漢末渡江則
尤實事漢故定為漢此皆可考者其歷載墳墓則有
潁州太守重同州太守樂安侯參墓冀州有輔國將

軍冀州刺史章武侯擇鎮北將軍北平太守紹林別
駕伏波將軍仰墓近祖幽州有光祿大夫關內侯幽
州刺史陵墓則葉蓋嘗有徙北者荊州武威縣又有
奉二代墓南康郡又有迥九代墓而欽州之碑又載
其三從祖儀同三司善生朝議郎婺州武義縣丞君
操等皆莫知其世次元和姓纂諸書皆載吳郡尉雄
譜與碑乃獨無有此其不可考也葉氏受封望渡江
之事若可據故取之以補缺而不可考者不可盡

棄故復存之以待後之知者已上皆宋觀文殿學士
崇慶軍節度使知樞密院事夢得所撰湖州葉氏族
譜前後兩叙中所云

崑山葉氏

敬明

震宗

茂林

秀實

敬芳

震祖

無子

寒宗中哀以來雖宦業之盛頗著傳聞而其曲折事實則一無可考止知諱秀實公元季壻崑山之周涇積輿金家莫可知其為何處人其父祖某某兄弟族屬無有皆不可知先人作譜時按郡志以蘇之葉始自湖州徙長洲意者吾葉之在崑山或者亦長洲之派然不敢必也今觀夢得之譜與蘇志合但姓氏書皆云葉始吳都尉雄然則吳東南之葉其來已遠固未必始於長洲之一宗也

武寧盧氏

熊彭祖

孕

仁仲

鑑

鄉舉待
補進士


有常

觀

儒

熙充耘

嘉平



水東日記卷十八